

Avdeling for kommunale fysio- og ergoterapitenester

Eining for Aktivitet og re/habilitering



Besøksadresse:

Eining for aktivitet og re/habilitering er lokalisert i Stord kommunale rehabiliteringssenter, Lønningsåsen 9, 5417 Stord

Organisering:

Avdelingsleiar for Fysio-/ergoavdeling: Andreas Sirevaag **tlf: 534 96688 mobil: 414 05 425**

Einingsleiar: Kristin Steinsland **tlf: 534 96695 mob: 416 94 266**

Nestleiar i eininga: Eunike Risnes **tlf: 450 10 444**

Teieplikt:

Dei tilsette har teieplikt. Teieplikt skal verne om pasientens personvern og integritet og sikra befolkninga si tillit til helse- og omsorgstenesta.

Fysioterapitenesta:

Fysioterapi kan bli gjeve både for å førebyggja og for å behandla sjukdom eller skade. Den kommunale fysioterapitenesta består av fysioterapeut tilsett i kommunen eller har ein driftsavtale med kommunen (avtaleterapeut). Fysioterapeutar tilsett i kommunen gir tilbud til innbyggjarar som ikkje kan nytte institutt og til dei som bur i institusjon. Behandling vert gitt individuelt eller i gruppe.

Tenesta er ein del av kommunen sitt tverrfaglege habiliterings- og rehabiliteringstilbod.

Målgruppe:

Eldre, barn og personar med nedsett funksjonsevne som ikkje kan nytte institutt.

Tilvising:

Ved behov for teneste kan brukar sjølv kontakta tenesta direkte eller via Tildelingskontoret, skriftleg søknadsskjema til kommunen om «kommunale helse- og omsorgstenester» eller via fastlege. Andre kommunale tenester kan også henvenda direkte ved behov, brukar skal då vera informert om dette i forkant. Kvar tilvising vil verta vurdert opp i mot om ein fyller kriteria for å vera mottakar av tenesta. Alle henvendingar vert handtert og prioritert etter ein prioriteringsnøkkel.

Eigenbetaling for gruppetilbod:

Gruppetrening	Semesteravgift kr 300,-
---------------	--------------------------------

Ergoterapitenesta:

Ergoterapeutar arbeider for at alle skal kunne vera aktive i eigen kvardag og har fokus på å finna meiningsfulle aktivitetar for den enkelte brukar. Ein har fokus på brukaren sine eigne ressursar og begrensingar for å utføra ein aktivitet i større grad enn årsak til utfordringane (funksjonsfall/sjukdom).

Ergoterapeut hjelper til med å finne løysingar når det oppstår eit gap mellom helsa di og krava i kvardagen, og hjelp deg til å finne løysingar slik at du kan utføre dei aktivitetane som er viktige i livet ditt. Ergoterapeuten vil jobbe med å finne løysingar på dei utfordringar og problem du har i kvardagen.

Dei formidlar hjelpemidlar, hjelper med tilpassingar av bustad, barnehage, skule og arbeidsplass og i kommunale institusjonar. Tenesta er ein del av kommunen sitt tverrfaglege habilitering- og rehabiliteringstilbod.

Målgruppe:

Alle som på grunn av nedsett funksjonsevne har utfordringar med aktivitetar i kvardagslivet. Behov for ergoterapitenester kan meldast til Tildelingskontoret i Stord kommune. Telefonnummer 534 96600.

Hendvending:

Ved behov for teneste kan brukar sjølv kontakta tenesta direkte eller via Tildelingskontoret, skriftleg søknadsskjema til kommunen om «kommunale helse- og omsorgstenester» eller via fastlege. Andre kommunale tenester kan også henvenda direkte ved behov, brukar skal då vera informert om dette i forkant. Kvar tilvising vil verta vurdert opp i mot om ein fyller kriteria for å vera mottakar av tenesta. Alle henvendingar vert handtert og prioritert etter ein prioriteringsnøkkel.

Varmtvassbasseng:

Varmtvassbassenget er 12 m x 15 m stort og har ei djupne frå 0,70 til 1,50 m. Vasstemperaturen er 34 gr. Bassenget har eigen garderobe for funksjonshemma, med heis frå garderobe til basseng, og rullestolrampe ut i bassenget. I garderobane er det tilgjengeleg rollator og dusjstolar.

Hendvending:

Hendending til avdeling for fysio/ergoterapi, eller sendast til Eining for aktivitet og re/habilitering v/varmtvassbasseng.

Merk hendvending med ditt telefonnummer.

Fysioterapeut tar kontakt for avtale. Ved behov lagar fysioterapeut treningsprogram. Vidare må ein bestille time og trene på eigenhand. Det er mogleg å ta kontakt med fysioterapeut undervegs.

Telefonnummer til basseng: 534 96708 **Kostnad:**

Pris for alle over 18 år er	Kr
Det vert sendt ut faktura.	100.-

Åpningstider for terapibading er: Tysdag

– torsdag: frå kl 09.00 – 13.00

Fredag: fredag frå: kl 09.00 – 11.30.

Siste onsdag i månaden er det stengt. **I perioden midten av juni til midten august 2017 er bassenget stengt for alle.** Du kan betala med kort eller kontant. Utleige kalender finn du på Stord kommune si heimeside. Hygienereglar for basseng er oppslått i garderoben. **Maks 25 personar i bassenget kvar time.**

Hjelpemiddel frå kommunalt lager:

Stord kommune kan låna ut tekniske hjelpemiddel til brukarar som har behov for det i akutte situasjonar eller for kortare tidsrom. Det er enkle hjelpemiddel som rullestol, toalettstol/dusjstol, rollator, støtteband, toalettforhøgar som kan lånast ut. Dersom du har behov for hjelpemiddel kontaktar du Tildelingskontoret i kommunen, dei formidlar vidare behov til kommunalt hjelpemiddellager. Eit rekvirert hjelpemiddel kan hentast påfølgjande verkedag på Stord kommunale rehabiliteringssenter i eit rom merka «utleveringsrom for hjelpemiddel» i 1. etasje ved sida av treningssal. Utlån av hjelpemiddel har varigheit på 3 mnd med moglegheit for forlenging ved behov.

Samstundes som ein mottok hjelpemiddelet, får ein eit følgeskriv som seier kven ein kan kontakta dersom ein treng hjelp vidare. Dersom ein treng mindre hjelpemiddel, som strømpepåtreykar, gripetang, krykker og forhøgingsklossar til seng/stol, må det kjøpast på helsebutikk.

Ved behov for kommunale hjelpemiddel, ta kontakt med Tildelingskontoret i Stord kommune telefon 534 96600.

Eigenbetaling:

Det er vedteke at det skal startast opp eigenbetaling for utlån av kommunale hjelpemiddel. Dette vert satt i verk frå 1 september 2017.

Eigenandel for ein leigeperiode uavhengig av antal hjelpemiddel	Kr.400.-
---	-----------------

NAV-hjelpemiddelsentral

Personar som har eit varig behov for hjelpemiddel, kan få hjelpemiddel gjennom folketrygda. Dei heimebaserte tenestene, fysio- og ergoterapitenesta, kommunaleinstitusjonar og bustadar kan bistå i søknadsprosessen. Det er NAV Hjelpemiddelsentral i Hordaland som forvaltar hjelpemiddel som tilhøyrer folketrygda.

Hjelpemidlane blir leverte til felles utleveringsstad, i Stord kommunale rehabiliteringssenter. Brukar vil få melding om at hjelpemiddel er kome. Etter avtale kan hjelpemiddel hentast eller leverast til brukar. Denne tenesta er lovheimla i Lov om folketrygd, §10. Lån av hjelpemiddel gjennom NAV er gratis.